

猗氏縣志卷之八

同知平陽府事濟

鐵纂輯

知猗氏縣事 登宋之樹重輯

藝文下

風詩

下泉四章章四句

冽彼下泉浸彼苞稂愾我寤嘆念彼周京

冽彼下泉浸彼苞蕭愾我寤嘆念彼京周

冽彼下泉浸彼苞菁愾我寤嘆念彼京師

芄芄黍苗陰雨膏之四國有王郇伯勞之

猗氏縣志

卷之八

一

詩

奉和聖製答張說扈從南出雀鼠谷 唐張嘉貞

天錫我宗盟元戎付夏卿多材兼將相必勇獨橫行經緯

稱人傑文章作代英山川看是陣草木想爲兵不待河水

合猶防塞月明有謀當擊醜無戰且綏氓闔外專三畧雲

中冀一平感恩同義激悵別屢魂驚直視前旌掣遙聞後

騎鳴還期方定日復此出郊迎

過郇城

元王思誠

世傳今猗頓本屬古令狐四境村墟僻千年壁壘孤郇瑕

宣撫地秦晉戰爭區對澤空城在桑泉故邑蕪牛羊多茁

壯田畝亦豐腴，膾膾重華甸。茫茫大禹都，峩峩遙入陝。劄首近連蒲，南補鹽池埭。東穿涑水渠，馬王存舊廟。張相表通衢，賢聖流風墜。貧窮習俗麓，羣黎如欲富。何不問陶朱。

寄隱士楊彥庸

明李 懇

自號嶠山叟，人稱美彥庸。生身遭聖化，立命秉天衷。德量登先覺，文詞邁古風。六經曾玩索，諸子盡研窮。講究分臆主，沉潛辯始終。曾襟原綽約，推理極玲瓏。孔孟傳心法，顏曾立脚蹤。畊田羨伊尹，投閣鄙楊雄。術藝輕羣品，才能奪化工。竒書當自許，妙筭與誰同。仁義常爲體，功名不掛胸。思親全此孝，交友盡吾忠。道學師程顥，儒風繼李侗。南山

猗氏縣志

卷之八

一一

歌甯戚西蜀，訪文翁靜裏。乾坤濶閑中，氣宇洪孤鳴。憐野鶴高奮，嘆冥鴻夢寐。林泉下優游，畝畝中市廛。厭煩劇閭里，喜過從南圃。心方歇東窗，睡正濃吟哦。調氣脉博 養踈慵，自覺精神壯。何防物欲攻，眼前常愛竹。夢裡不生松，取次掩樵舍。循常詣泮宮，與他開否泰。求我發屯蒙，鬢髮從新白。心肝比舊紅，治家勤儉約。教子務耕農，嘯傲知身健。謳歌樂歲豐，無爭尊老氏。無辨祖王通，酌酒涵真性。觀書論至公，和羹存燮理。美玉要磨礪，螢室尋車允。鷄窠伴宋宗，火燈過半夜。文史足三冬，厚德沾黃壤。高名聳碧空，口中吐珠玉。腕底走蛇龍，書傳尊王室。春秋賤伯功，壯懷由

磊落浩氣竟冲融剛正思韓愈謙和憶邵雍閑遊芳草徑
醉賞菊花叢克已存三省兼聽達四聰行藏難起釁言語
不興戎致敬尊先哲多能訓小童升堂惟仲路閱市讓王
充松菊酬閑適田園備老癯英超遊太華清望仰高高進
道當求遠攀明不厭崇陳蕃逢孺子郭泰遇茅容貌虎潛
胷臆風雷奮筆鋒天倫重可叙人爵未堪封壯觀儀如鳳
雄圖氣似虹鯨鯤淹洄轍鸞鷲困樊籠巧語嫌春燕愁腸
斷夜蛩生涯如畫虎活計似雕蟲獻策嗟晁錯修書憫蔡
邕情懷雖竝美時勢不相逢傳說墻宜築梁鴻米可舂韶
光流似箭天道曲如弓涑水涵清派中條疊翠峰鳥聲清

猗氏縣志

卷之八

二二

嘸嘸花影爛重重卜築猥城郭開軒近要衝雨墻侵薜荔
風木泛芙蓉借馬常思孔買牛不姓龔收書期萬卷辭祿
豈千鍾海岱沾春雨邊睡息夜烽漢皇奮三約楚霸漫重
瞳蔣翊堪高隱陶潛可比隆釋情調錦瑟鑑影對青銅藥
圃斲新朮蔬畦割晚菘荒籬綠綠蔓靜院落丹楓利病湏
良藥扶頭借瘦筇居無嫌白屋行不避青驄取物推其義
接人恕以恭清談嗤謝萬偉器許桓冲台鼎從渠爾詩書
稱我儂此心猶熾熱短髮任鬢鬆墾畝知時泰儲糧防歲
凶魑妖無嘯棟鼠竊不穿墉送客長攀柳呼童共採葑簷
聲風淅瀝窻影日曛曛籬畔花黃茂庭前草綠茸晴煙罩

楊柳夜月轉梧桐寫字師前輩題銘戒匪躬時光逢代謝
變態瀉鴻濛稼穡憑誰課樽殺適自供爨煙時漸起爐火
夜還烘悌順追王覽雍和效繆彤舊儀嫌岸幘新製試章
縫義理真能悅飢寒亦不忸寸心無芥蒂一枕到崆峒制
猛觀獷豕藏威看牯犢心無攫鷲鳥夢不兆飛熊堯肯徵
多士舜能放四凶存亾餘綽綽來往省憧憧凋弊宜陶冶
因仍要鑄鎔嘉言優睿知厲色斥頑矇聒耳羣雀噪傷情
一鴈嗥夢中騎虎豹眼底怯蚊蠓隱忍嫌藏甲貪饕惡吮
癰世隆生遜讓道拙逞橫縱氣運隨流水年華逐轉蓬風
神超物外聲彩振河東

猗氏縣志

卷之八

四

蓮塘遊集次郜凌玉韻

國朝王含光

南塘何處在水氣結朝霞野戍莓侵路長堤柳印沙聯鑣
依玉樹散屨遶蒼葭山翠空濛出人煙籬落遮葡萄隨濁
酒苜蓿趁名駒風物悠悠羨余懷渺渺遐衣剗寬處士禮
數恕田家未掃陳蕃榻虛邀衛玠車褰裳欣蓂薦把釣憶
魚嘉鳴軋餅笙響丁東土鼓搗葯房權作瓊蕙的旋添茶
苔厚平於罽橋浮搖若舢輕紈脩白露小部選青蛙共有
習池興獨慙金谷誇曼姬雙雪藕俠客亂蓂花韋杜溪林
僻鄒枚詞賦奢騷歌裁薜荔宮怨寫琵琶老癖狂來失顛
毛醉後加簪纓吾道拙湖海抗心賒遠岫歸雲斷踈汀落

景斜策藤追野馬折葦縱仙槎肥遯應無悶窮途莫慢嗟
浮生籠裏鳥世事電中蛇鮫室吹漁火雉樓引塞笳回車
載明月菱唱擁吳娃

右五言排律

周八士

詳人
物傳

明何東序

絕域不產聖卑汎不毓賢千里得一士奕世號比肩唐虞
中天立熙洽歷成宣天河遞白赤中條靄煙戀元氣爲物
毋萌赧大初孳生由祖甲蠶良賢特地傳一室苞四乳八
士奠兩間自出河山秘還霑雨露偏五德興王者綦隆叶
帝年人文偶昌運邃古更無班憶昔媧皇世擣土別息豎
猗氏縣志

卷之八

五

女脩吞鳥卵大業更杳然君子不測暗語怪迹尤愆獨有
孩菱子元白日推遷

公孫杵臼程嬰

猗四大夫屯
有祠祀焉

何東序

徐州賣卜年六尺閔存滅瑕丘生童日孤兒從舖啜佼佼
庸衆中載履明高節 知吾黨士嗟哉行尤烈下宮死非
難大業遺惟子有懷宣孟恩還期報同列自古皆有死草
木同蕪沒錚錚寸鐵心昭昭揭日月荒祠掛殘陽村童掃
茅蕪斯人不可作空向負粟說

孫進士達

何東序

名聲滿天府車馬足翱翔靖難乾靈正延賢國步康席卷

五百奕世躋陶唐練黃駢授命剋蓋散歷陽握珠倏沉
海匣玉漫歸岡普天彌隙罅墮地任徜徉無鈎如何許涑
水竟難量經史翻疾恙回首笑明光還將求友意哀鳴上
栢梁

王吉士玉潤

何東序

文皇開東觀重璧旭旦臨英寮光簪組潤色敷瓊林少年
賦長楊間世得鳳音敏捷推七步問對見一心方追山岳
銳終需梁棟深如何德未遠拱木已成陰脩文難絕筆留
着到于今

翟叅政行簡

何東序

猗氏縣志

卷之八

六

翟公貌大奇學術研精髓讀却無限書摘藻必詮理壯闕
正懷虛東觀方依倚長孺好直言賈生倏外徙頓忘虎鬚
威翻覺羊腸駛歷試勞州縣廿年曳金紫宣風太華高柔
遠朝鮮邇我行挹棠蔭是處人堪指奉嘗在新陽千載從
此始

王僉事荆玉

何東序

嶷山蘊良寶廣庭須大鏞桃花千樹落五十始奮庸服薦
聊稱貴採薪豈諱窮自公長隱几夢入首陽宮歸來五畝
宅那復半綸崇螭腹自鼓麋鹿草同豐交遊颯向盡伏
走村童杖藜尋洞口獨有白雲封

王郎中惟本

何東序

王郎吾自出奕葉渭陽縈負笈窮溟海隨母向燕京偶聖
開昌運臨軒集人英射策凌杵楫構厦極昆明坐籌應席
寵題柱遂韜聲合錢兼賜帛隕越拜殊榮北山勞王事南
陔詠子情孝家能忠國元讓可專名

宋副使元吉

何東序

宋玉才何極人疑太乙精簪筆上九華陸離賦兩京承明
廬若厭彰德蓋蜚聲漢上來何暮滇南波更清文章足華
國觀道覺懷澄驊騮方馳驚鷗鷺却寒鳴長揖謝朱紱通
侯總強名涑水年年綠悠然識宦情

猗氏縣志

卷之八

七

王審理國忠

何東序

王公吾翁執夙癖在春秋空谷傳韶濩清世覽琳球春帶
鳴條雪寒澌涑水漚共學皆勲序棲遲守故邱泛蓮聯八
桂徹醴下三休蒲節收應晚蓬門早自投交遊悲遺老典
禮慕前修釋恭懷哽噎登壠爰田疇還嗟絕機叟白首漢
川遊

杜知縣于達

何東序

陋室安何處中條最上峰微言祖莊易達觀萬像通養親
不擇仕隨牒逐征蓬一令淹三縣百城趨下風杜母謠新
穎長下齊東絃歌入吉調惻隱出淵衷踈薄共一口風

雲達九重含思饒，恩感孤詠重雙籠。
襪被將身薄，窳極少塵蒙。
血餒誰憐楚，銘懸豈愧邕。
至今原上烏，直欲叫元穹。

任知府伯寅

何東序

締歡三十載，爰自髫年故。
芊媯幸牢絲，蓬萊亦星聚。
皎皎鸞鳳姿，茂學麒麟步。
朝倫遜握蘭，帝知光題柱。
廣莫訖荆閩，憂人旨斯副。
清賢思借留，惠化歌來暮。
如何五日尹，遽掩三都賦。
交誼斷雷陳，旅襯歸桑扈。
人生重長別，別非中路窮。
泉幾萬里蕭蕭白楊樹。

似園幽興

王含光

南園春雨晴，細草遶砌生。
灌木漸抽蘂，雲鳩忽已鳴。
陂池

猗氏縣志

卷之八

八

生新水，水鳥何無聲。
掃榻山色下，開簾道心生。
客來欣倒屣，暢此邱壑情。
蘭室促玉軫，竹房獻楸枰。
園藪青堪摘，家釀綠長盈。
願勿談簪笏，致渝鷗鷺盟。

結廬蕪城隅，一壑紆如帶。
地濶絕四隣，短墻隨松檜。
時事杳無聞，愁悴日以汰。
宛遊邨墅間，不復識剋蓋。
晴暎積翠陰，夕秀杼靈靄。
陟阜愜遠懷，泛舸挹清瀨。
故人隔重山，片鴻唳天外。
空林獨往來，樹葉散秋籟。

仁壽寺偕友避暑

國朝荆光國

古刹在郊坳，松陰不知午。
邀君被素襟，暫爾依淨土。
君看侯家列，冰充棟宇火。
雲遶屋升臺，樹無涼處君。
看少年

俠不惜錢沽醕挾妓登青樓蘊隆去無所不如向此中攜
手同心侶地僻遠紅塵雲飛過綠墅千山掛落暉十里流
清渚瀟洒祛煩囂高談遺綬組浩歌入城闈樹杪月初吐

烈婦詠 三首

國朝郭九會

離離原上樹挺然負竒質嚶嚶枝頭鳥悲鳴懷其匹婉彼
幽貞女委心夫子室堂上姑云殂膝下兒旋失夫病復沉
痼妾生愧白日
俯仰多悲思倏忽迫歲暮竟虛百年約自分先朝露豈感
弱草塵而爲人言誤忍泣謝母慈割愛矜兒忤願及夫未
瞑效死博一顧

猗氏縣志

卷之八

九

明義不可負飲毒甘如飴慷慨伸素節從容致訣辭聲斷
神猶活腸迴志不移寒月照空壁狂飈卷素帷緬維逝者
心獨有烈士知

右五言古

大佛閣邀黃明府避暑

何東序

炎州六月雲峰起鷗鷺羣飛戲涑水誰能露頂浥金莖旋
吸冰井茶煙裏襜褕無端中似灼興來載酒出城郭孟公
不顧尚書期減騶偕我清涼約毗盧飛閣倚山巔避暑無
如此處偏彌天貝葉香初潤一曲峨眉印月圓談空宴坐
祇園樹百子七輪何所慕涼簟輕翻檻外風纖絺薄沐臺

前雨世上交情論貴賤田彭郝許心如面真俗要歸不二
中宰官疑是前身現賤子常隨方便力即看夏日猶冬日
河朔聊爲汗漫遊閭閻盡覺蕭條失勝地良非偶佳期偶
載逢嚴君策歛段曾此侍乘驥屈指流光四十載虎溪談
笑冷橋東當時剋者余方弱于今孺子忽成翁更憶衣冠
盛寮采河山代閱誰同在黃公酒壚舊有名壁間幾度丹
青改後視今今視昔壯者日衰衰者白龍鱗尚老堦前栢
我今不飲亦何益

郇城社友歌

明張 璞

耿家滔莽兩文章奎光結社起天荒孟玉談笑入戰場狂

猗氏縣志

卷之八

十

飲酒餘似顛張聯鑣鼎立駛康莊仲初意氣始揚揚詞壇
捷辨危風檣英風豔發齊渭陽二王叔仲比圭璋二難奚
啻白睂良君家武庫皎清霜雪麓軒舉富詩囊青蓮咄咄
吐宮商似鶴瀟灑六藝長高山流水聽洋洋點染疑是摩
詰王姬公聲調佩琳琅徃徃花間意彷徨崑山劍合雙龍
光逸足萬里騁初驥

踏閣行

王含光

峩睂之麓半坡寺古栢無心碑無字傳聞補梵自元豐肇
造者誰失年次幾罹兵燹小劫災頽垣鞠草藏魑魅斗盆
灰冷香積荒殘僧哭掃琉璃地俄有化人自錦宮能令檀

越三輪空填園金布開精舍百尺紅樓象外雄紅樓面面
白毫相匝匝蓬峰屹相向脫屣欣從飛錫遊牽袂歛陟層
霄上虛徐觸目起空華雲曳天旋雁影斜身世大都皆影
事客塵以以認成家何處住無所函蓋乾坤小廬旅泉
石驚心入膏肓招携聊復同支許懶翻貝葉數行經靜對
珠龕一點燈底事眼前道不得未由問訊古先生

郭烈婦篇

邵嗣堯

郭家烈婦烈莫比和醯飲藥從夫死人生偕老亦尋常烈
婦死時十八耳三年侍藥齊眉人一朝立作同穴鬼人盡
哀母且喜有女如此死足矣借問此女誰家兒陳氏外孫

猗氏縣志

卷之八

十一

荆氏子

右七言古

東里堡西溝散步

王含光

避地尋幽處盤迴不見門羣鴉啼谷口一犬吠桃源水落
雲猶潤崖危翠自繁行吟竟忘倦隨在得邱園

涑河觀春漲

王含光

涑水乘春湧臨邛一帶斜漁璣霑柳絮雁齒點桃花欲泛
龍門舫應浮漢使槎西疇生事足莫漫攪翻車

郇陽避寇二首

王含光

介馬衝城過攜家人砦居露天聊積粟穴地且藏書白晝

炊煙斷黃昏燈火踈不愁憔悴甚此事竟何如
寇去城空在驚魂不可呼春林巢燕雀廢宅卧狼狐天地
愁中窄形容亂後孤欲探東北信孔道絕征夫

首夏游仁壽寺五首

郭九會

古寺出城隅浮圖逼太虛陰晴分氣象神鬼有驅除邃窟
龍蛇隱荒苔鳥雀餘磴危登未得惆悵斷碑書
到此人天別蓬萊信可求山嵐拂檻入雲氣接簷收眼底
分秦晉風前定夏秋登臨高興發長嘯已忘憂
雙柏何年物分階侍法王風雷騰氣象日月孕精光幾閱
滄桑變誰能斤斧傷夏陰留坐久客意亦蒼涼

猗氏縣志

卷之八

十一

不省空虛境琳宮亦壯哉布園金尚滿馱馬像重來自是
諸天力窳隨千劫灰余生行已暮何計出塵埃
爰此山堂靜僧閒客到稀呼童開卧簟假寐聽禪機野鳥
窺蔬食游蜂戀芰衣坐聞鐘磬發恍惚悟前非

右五言律

過北平王祠

明黃

通

安邑令
閩中人

鉅唐文物盛衣冠何事英風獨滿闕富貴一時隨凍水功
名千載壓孤山雲藏古廟龍蛇活日落重城草樹閑欲問
當年興廢事不知身在有無間

遊仁壽寺

明曾大有

監察
御史

招提乘輿偶停驂西望靈巖擁翠嵐小立螭頭尋國氏渾

忌鳥譖當禪叅應憐塵世三生夢空落金仙百丈龕舍利
秋明黃葉亂曇雲花雨涑川南

遊靈巖寺

曾大有

公餘飛蓋步禪關曲抱溪流小帶山檜栢棲雲風淅淅苔
花綉地雨斑斑凋零頗怪緇塵暗綿歷翻輸鐵石頑何事
老僧能振刷空傳貝葉轉輪間

和遊仁壽寺

明許

莊

本府同知

仁壽禪林一駐驂青山遙望藹晴嵐巡遊事可追潘令俊
逸詩堪壓鮑叅隱隱梵鍾迎豸繡重重香篆遶龍龕慈恩
不遇長庚幸千古何人仰面南

猗氏縣志

卷之八

十二

和遊靈巖寺

許莊

火冷煙微野寺閑停車隨步看南山花陰遍覆階前綠草
色遙舒雨後斑幽徑有苔空暗長東風無力任輕頑自從
離却龍人面無那閑情幻夢間

五日遊仁壽寺

明馬逢慶

本縣知縣

層臺画閣古禪開面面山光動地來下界人煙低百雉上
方冠履踏三台扉馮七級壇空敞樹老千秋栢長苔歌罷
斜陽猶興爽五絲誰繫紫霞杯

春日遊靈巖寺二首

何東序

天晴金界俯郊東逕轉村迴望不窮積水川原芳草外亂

山臺殿夕陽中海濤晝擁千巖雪
祇樹春含一澗風塵世
祇今悲碌碌空門幽賞幾人同
春風寂寂閉禪關古洞幽深草色斑
仙梵影連雙樹迴僧
床法喻五銖間林中鶴下還同定
嶺上猿叅祇自攀惆悵
諸天從此去息心明月照潺湲

重陽偕張使君衛王二春元登大佛閣何東序

風流當日憶龍山寶閣平臨霄漢間
檻外寒煙衝去雁樽
前烏帽損朱顏幽懷自覺滄洲晚
塵世還應佛地閑莫訝
西風脩故事籬邊黃菊日相閑

嶠山風物自龍山戲馬臺空夕照閒
有態寒花羞落帽無

猗氏縣志

卷之八

十四

邊踈雨散酡顏孤峰海殿凌雲起
雙樹香厨抱閣閑報道
白衣頻送酒夜深仙犬吠禪關

海潮堂讌集

何東序

坐掩衡茅祇自求那期冠蓋又同遊
千峯送雨偏宜暑雙
樹鳴蟬忽報秋淨域渾忘塵世擾
元談應得玉人酌他時
最憶龍宮月猶聽潮聲日夜浮

遊太清觀

明荆如松

閭苑高樓接紫宸琳宮楚楚隱元眞
種桃蹊下應無俗醮
斗壇前別有春寶鼎爇香寒氣遠
金童引鳳煖風勻最憐
古栖亭亭立海上仙人好結隣

遊荊陽寺

明郭希湯

招提晝鎖白雲間
鐘鼓無聲客夢閑
五戒院中槐跡古
三乘座外草痕斑
石壇風起從誰去
澗道烏飛爲我還
不是當年三伏旱
野人何事與心閑

登大佛閣

荆光國

峩嶸盤鬱出鴻濛
構閣千雲法界中
塔勢常摩條嶺翠
鯨音直駕海潮風
漢封高密青煙漠
唐壘平章春樹葱
倚檻陰晴今古變
英雄多少悟圓通

城南樓獨眺

王含光

蕪城層閣獨登臨
遶檻煙嵐雨後深
水曲蘆花留晚雁
山

猗氏縣志

卷之八

十五

坳木葉下清砧
殘霞忽墮杯中色
遠岫偏舒物外心
徙倚斜陽人不見
誰爲解釋仲宣吟

登大佛閣兼題羽公禪室

王含光

清晨避客扣禪扃
入院松陰古殿青
鐘板無聲天食後
茶煙有影雨花零
鴉隨乞士知施飯
鴿遶仙陀爲寫經
日暮孤吟下山去
近城猶覺磬冷冷

遊仁壽寺和喬德元韻

郭九會

竹林深處吟詩苦
便是逢僧未覺閒
借榻聊從消午夢
攜樽不碍叩禪閑
風度爐煙浮下院
烏啣栢子落前山
三年

重到招提境明鏡臺邊照舊顏

亭亭石塔當門立纍纍蜂房繞逕斜誰爲遠公開白社我
從天女乞仙花伸眉且醉陶潛酒止渴頻分陸羽茶一部
楞嚴僧漫演老生今已厭書車

峨嵋長護梵宮幽縹緲諸天閣上頭隴麥連阡看作浪山
城背嶺繫如舟浮生半向名場老薄暑全消野寺秋作述
幸逢陶謝手相期携屐日同遊

喜衛爾錫還自黑龍江

郭九會

一緝書傳霄漢間君恩萬里許生還丹心北向雲中闕紫
氣東浮海上關 聖代主臣終合志衰年朋友惜離顏即

猗氏縣志

卷之八

十六

今桑梓人稱慶遙想歡騰鴈鷺班

莊武王祠

郭九同

百戰餘威一鷓冠不教群盜叩秦關孤忠方寸明朝日古
壘千秋倚暮山殿入靈光風颯颯祠鄰郇伯雨閒閒摩碑
欲訪當年事惆悵寒雲落照間

從兄招飲蓮塘次韻

王含真

河水漣漪苒帶牽分明一曲鏡湖田艷謳疑出花間鳥新
句先聞柳外蟬紈箴不緣班女製霞裳應得楚騷憐勝遊
康樂饒佳思虛對池塘愧惠連

蓮塘觀釣有懷

王含光

水西頭南澗通危橋斜插鏡花中
綸竿欲拂千絲柳羽楫輕隨五兩風
野燒鮫人開水殿晚涼仙侶出
蘭宮南洲雙鯉經春斷愛酒無由寄碧筒

登石佛寺前閣

王錫祜

振衣直踏昆盧閣千古憑欄發嘯歌
三晉雄圖留好寺羸秦閉塞界黃河
泉從百丈巖間落鹿自雙林樹下過
紅葉蕭蕭歸雁急會看秋色滿山阿

右七言律

聚雁樓眺野偶成

何東序

瓜頭開果葉雨脚帶田疇到處生涯滿
薰風自一樓

猗氏縣志

卷之八

十七

山庄

荆光國

晨興何所得愛此幽居情樹色含山色
鐘聲和水聲

似園

王含光

結茆復編柴深深在城市方知山巨源
仕隱得其似

右五言絕句

崔處士林亭

唐王維

綠樹重陰蓋四隣青苔日厚自無塵
科頭箕踞長松下白眼看他世上人

過北平王祠

宋司馬光

端明學士

唐相靈祠古到今庭前槐栢綠成陰
昔時圖像雖通妙難

狀籌謀爲國心

送猗氏張主簿

宋邵雍

人間仕宦幾千里堂上親闈別兩重須念鵬飛從此始方
今路險善求容一

右七言絕句

八景詩

峨嶠曉耕

明荆王土

猗城佳景處乘曉破春耕斜月依蓑轉微雲伴耒橫三秋說
有穀歷世喜無兵好雨昨宵落來年又太平

城倚峩嶺立居民業在耕坂長驅犢慣雨淺入犁輕山月

猗氏縣志

卷之八

十八

笠蓑影谷風薜荔聲歸田人自樂不羨子真名 郭九會

東原早行

荆王土

猗城佳景處侵早步郊行画裏山微遠煙深路轉平孤星
拋劍馬斷柳縮心情回首風塵事晴瞰滿舊城

客心急遠道驛路出城東冠蓋明殘月輪蹄逐曉鴻馳驅
關塞外櫛沐雨風中獨有倦遊者高眠息此躬 郭九會

涑水春漲

明王

龍邑人
知縣

猗城佳景處涑水漲春流膏雨生濤滾魚龍躍浪浮桃花
漂渡口柳絮落灘頭憶古尋芳樂莊周曠達遊

涑溪衣帶水曲折向西流三月桃花漲一川鷗鷺浮石虹

搖欲動竹箭迅難留自識觀瀾意濠梁莫遠求 郭九會

對澤晚牧

王龍

猗城佳景處晚牧澤相依短笛吹殘月長鞭送夕暉牛羊
芻茁壯民庶類豐肥有土心斯理遊觀體莫違

煙景今何在城南浦淑邊草肥微雨岸波靜夕陽天牧豎
閒能戲牛羊飽自眠不須吟澤畔隨意濯流泉 郭九會

古壘秋風

荆王土

猗城佳景處画壁鎮丹楓旗影雲爲陣烏啼月是弓千年
存戰壘萬古數英雄瀝淅秋聲起令人歌大風

平生多古意煮酒數英雄誰續汾陽業人稱莊武功至今

猗氏縣志

卷之八

十九

遊故壘兀自有秋風廟貌千年壯精靈一望中 郭九會

龍巖夜月

荆王土

猗城佳景處香刹月光浮素魄嫣然住清輝淡欲流塵揮
秋滿袖花散雨翻邱翠栢吟深壑虛徐河漢遊

小態招提境登臨眺晚晴簷前山偶缺亭外月先明光入
佛燈現氣涵禪榻清神龍護岩壑峻閣未全傾 郭九會

孤山晴雪

王龍

猗城佳景處晴雪障巔岼萬里收霞淨一峰聳翠寒天懸
仙掌露地湧水晶盤欲策羸驢去尋梅仔細看

爲愛孤峯好山容帶雪看栢林翻玉葉桃洞散冰丸日照

光無定風吹花尚殘幽人清興發直欲躡巔岼 郭九會

雙塔斜陽

荆王土

猗城佳景處雙塔影斜陽青鳥垂霄合金龍拖雨長未分
鈴斷响先亂碧重光老衲叅禪處香花滿上方

浩劫何年造消人幾白頭天清雲澹澹佛靜日悠悠雁落
雙輪合鳥飛斜影留每當風鐸夜鈴語入牕幽 郭九會

峩峩曉耕

何東序

川原一抹片煙輕天駟朝來覺更明少女吉占昨夜雨老
農喜劇迨春耕權輿百穀饒生事簫鼓千家簇太平嶺帶
桑麻睂掃月蜀山如畫總虛名

猗氏縣志

卷之八

二十

清時未許 容踈拙且向東臯學種田布穀頻催春欲老
鳴鳩屢喚雨無愆風生綠畔輕隨笠月下黃牛緩着鞭羸
得身閒堪負未敢遲輸挽負租錢 荆州俊

黍苗陰雨古郇城城上高原見耦耕犁帶曉風人縹緲鞭
搖殘月影斜橫藿藜正及春羹摘鵠鵝偏隨媚婦鳴聞道

官家緩逋算不知何事笠簑輕

耿應昇

邑人舉人

漫嶺紆迴月抱城田家生事逼新晴鳥催播穀參牀掛草
落連錢犁鏡明十畝歛幽應載酒百年賣劍不談兵春來
只說山粧好饁婦雙娥畫未成 王含光

聞道蜀山天半險詎知嶠嶺列千盤農窺夜月鷄先唱犁

破春雲露未乾糲食但求終歲飽簑衣偏耐五更寒黍苗
陰雨今猶舊手祝豚蹄帶笑看

郭四維

雨足沙田好插犁農人無寐候晨曦雲開高嶺盤螺髻月
落青坪擁畫眉佩耒何勞山鳥喚拋簑一任谷風吹窮年
作苦供租賦司稼眠春知不知

衛既齊

東原早行

閔山相湊入河東鷄唱初沉一望通陌上垂楊堪拂馬天
邊春色正歸鴻道岐不動楊朱戚車轍焉知阮籍窮寄語
交馳名利客幾回桃李謝顏紅

何東序

裘馬輕沾宿霧消離歌唱徹聽嘶驕踏殘落月催行色折

猗氏縣志

卷之八

二十一

畫垂楊贈舞腰擁傳當年誰擅賦祖筵招隱憶連鑣憑君
分手千金劍一片生平湖海遙

張璞

繚繞川原接上京旗亭月落雁歸聲天涯不斷王孫草曙
色先開帝子城柳暗閉門金鎖重馬知驛路玉蹄輕遊人
莫作臨岐歎南北春山導客行

王含光

旅次東來驛路平荒鷄破曉客心驚星河斜掛通關渡煙
樹迷離數堠行雲擁朝暎浮海嶠風催朔鴈背山城遨遊
到處堪投跡誰似當時意氣橫

鄭當時漢
人好客

衛既齊

涑水春漲

盈盈尺五不勝舟忽割靈源駕壑流約畧松江春雨足等

閒滄海坐潮頭馮夷簫鼓探龍窟漁父綸竿隔鷺洲如此
急流宜勇退莫教遊子問津愁

何東序

山下三春鳴夜雨城南一曲轉晴雷風前不亞懷襄力浪
裏幾成灩澦堆杜若洲移鯨奮迅桃花岸湧馬遲回狂瀾
未許輕相試自有松舟鼓楫來

荊州俊

春溪堤柳曉浮煙鷺影驚飛荇帶牽乍雨萬山噴瀑布廻
風大野湧奔泉湖吞鯨浪潮千頃橋鎖虹槎落九天應是
蓬萊清淺日桑田極目海連阡

張璞

碧澗西流衣帶通春來積雨趁東風孤邨渡口臨天上遠
浦山眉入鏡中蘭葉漂時漁棹出桃花浮去板橋空町原

猗氏縣志

卷之八

二十二

麥浪翻秋早畚鍤休歌瓠子宮

王含光

東巖昨夜激豐隆侵曉春潮一壑通積水力堪漂綵鷁爭
流勢欲撼長虹傍灘柳絮沉沉綠隔浦桃花霧霧紅竝待
迴瀾狎鷗鷺濠梁樂事幾人同

衛既齊

對澤晚牧

綿綿浦溆散孤城晚食牛羊宿雨晴陸牧行吟躡草屨漁
樵混迹返柴荆天邊笛吹還終曲海上豕遊不用名更憶
弱翁對仙客黃昏賦就莫重驚

何東序

夕陽天外草初長野牧閑閑渡水塘散誕無拘隨爾我道
不定趁牛羊簑衣遠荷慵思擲羗笛新調喜欲狂試問

生平何所樂應言澤畔勝巖廊

荊州俊

誰穀長鞭澤畔過牛羊日夕下雲阿肥孳不負郎官願
騶擾何愁牧政苛半畝煙波寬細笛一肩風雨任偏簑
南山白石無今古歸去聊爲扣角歌

荊光國

南郭平疇禾黍肥傍壕瀦水對城扉孺歌多是滄浪曲
笛響偏驚雌雉飛風揭柳陰翻席帽煙攜苔色上簷衣
牛羊自識村園路月照蘆花卧不歸

王含光

近郊煙柳帶晴暉波水淪漪綠四圍無數倦還鷓晚噪
有人連唱雉朝飛行穿毛塢侵樵徑坐占漁汀任犢衣
荷策歸來何太緩笛聲落處即柴扉

衛既齊

猗氏縣志

卷之八

一二十三

古壘秋風

西涼受脈向河汾輟策還期戰策勲當日盡監白馬將
至今猶說破狼軍廣場榮落連錢草古戍銷沉結陣雲
哀樂極知千古意無勞重詠漢皇文

何東序

當年虎竹下河東譙櫓高懸依碧空鼓角聲喧三戰捷
旌旗影拂一軍雄黃雲衰草傷心目古壘平沙慘日風
直北祇今多羽檄誰圖方畧報宸宮

荊州俊

斷壁高臺蔓草黃唐家元老舊祠堂三河按轡提驄馬
一節橫行掃餓狼雁陣連天飛不渡鷗旗閃日颯生涼
那知像凌煙閣未及松檀歲月長

耿應昇

城下荒臺飛葉紅昔時牙纛擁元戎畫車鐵戟藏盟府玉
鐸風琴遶故宮壇坵無人聲颯沓松杉不雨氣空濛河山
帶礪憑誰問贏得孤邱紀戰功

王含光

當年譙櫓傍城隈掃盡欃槍亦壯哉會見狼煙銷古戍猶
聞木葉落荒臺一聲嘹唳嶺頭渡萬里蕭森天外來節建
河中成往事登陴長嘯故徘徊

郭四維

何年輟策建牙旗指點行營到舊陴層阜蒼涼清殿敞孤
城搖落暮笳悲壇前早見三河靖木末猶聞萬馬馳惟有
猗人懷保障歲時香火忍愆期

衛既齊

龍巖夜月

猗氏縣志

卷之八

一二十四

閒隨晚景步招提旋拾金苔路不迷珠樹雙棲鳥鵲冷風
牕半掩白巖低踈星已被觀空厭諸品盜將下界齊自是
清燈長照夜不須重取上天梯

何東序

寺古亭虛萬木寒一輪明月靜中看老僧定後心相印坐
客吟時興未闌天半瓊樓誰共指枕邊玉屑我曾餐今宵
重覺開三昧欲卧龍巖日幾竿

荊州俊

西巖飛閣出林東蘿逕牕虛玉宇通倚檻妙高觀品靜捲
簾浩劫印禪空中條如帶寒光近萬栢驚濤梵影同清興
夜來應不淺須彌山是水晶宮

張璞

龍巖寺裏鎖樓臺寺外懸崖草閣開正對東南山一豁纔

臨薄暮月先來琉璃寶色搖金界
蒼蘆香花印玉莓莫

支公牀子卧松林露溢夜光杯

王含光

間步鷄園松向西空門雨後草萋萋
經翻寶地曇花墜暈

照金仙桂影低浮閣含風窺陸海
懸崖溜水泛曹溪清談

入夜還星聚手指瓊樓作偈題

郭四維

香閣憑虛壑氣澄漸看飛月掛峻嶒
啾啾遶樹爭巢鳥憂

憂猷門歸院僧玉露無聲沾貝葉
銀河有影落金繩躊躇

不是人間世身在仙臺第幾層

衛既齊

孤山晴雪

桑泉直北望嶺岼松逕縈迂上百盤
銀海光搖雪粉潤翠

猗氏縣志

卷之八

二十五

微深鑱法雲寒元冰結處天呈瑞
黃竹吟成月滿灘鷗鷺

不知山色改堅牢猶作四時看

何東序

寒夜銀河凍不流曉來晴旭裊沙洲
日邊平野堆雲阜天

半仙山聳玉樓羨酒千觴青眼濶
陽春一曲翠煙浮前谿

疑有梅花發誰折南枝寄隴頭

荆光國

山氣宵澄旭影舒倚天寒翠削芙蓉
那知積素催朝曙祇

覺浮雲晃太虛海畔瑤臺潮落後
仙人玉掌霧消初不須

姑射峯頭住別是曾城冰雪居

王含光

凍合殘宵曙色微天迴大陸散陽晞
乍驚白嶽雲濤湧不

見青田霜鶴歸明月當樓懷庾亮
澄江如練憶元暉幾回

欲賦峩峩雪此曲由來歌者稀

衛既齊

雙塔斜陽

氏國何言最佛圖遙分化影到星虞憑虛漸覺諸天近補
梵翻驚絕代殊五夜金莖露下白一聲華表鶴來朱當年
旌德知何意試問空門雁有無

何東序

鴈塔嵯峨依碧空雙峰呵護梵王宮金輪日映高低竝寶
鐸風聞遠近同涑水晴光長欲遶巔原佳氣故相通等閒
未肯斜分影只向陽輝一照中

荊州俊

雁堂蘿翠翳金容輪象參差更幾重有色分身隨舍利無
言豎指出天龍蒼蕪影落雙珠樹花界光搖兩玉峰兔角

猗氏縣志

卷之八

二十六

龟毛真幻相靜觀生滅坐高春

耿應昇

何年瘞雁結僧寮湧出金輪象外驕疑是生成雙石筍飛
來化作兩龍標天迴蒸景同傾瀉劔合峰陰欲動搖安得
捫蘿凭絕頂手揮花兩下煙霄

王含光

何年建刹小園東轟轟浮圖入碧空玉立尋常誰作合光
搖咫尺自相通漫驚獨鶴歸華表喜見雙峰落照中上界非
閔龍象力金輪那得影玲瓏

郭四維

何處層陰落梵宮花臺對峙夕陽中金颺搖鐸鏗鏘應玉
女窺牕問答通十部論師稱伯仲千年神物擬雌雄等閒
瞥視升沉影可信諸天色即空

衛既齊

新堤柳浪

野堰清沙春日遲無邊煙景愜心期萬條楊葉披風處一
帶溪流湧翠時醉客和歌憐渭曲佳人相問采江蘼地偏
不是陽關道橫笛休吹析柳詞

荆光國

新築沙堤障綠漪隨波官柳對春披絮漂浮鴨爭芳藻影
落遊鱗避釣絲栗里少分門外植輞川全向畫中移登臨
不減濠梁興高繫金駟歸去遲

張璞

東風搖曳上沙隄柳色河瀾盡向西倒影穆穆垂野渡連
陰漠漠暗漁溪即看輕燕差池舞旋聽流鶯睨睨啼好去
招尋彭澤宰幽琴清漭正堪攜

王含光

猗氏縣志

卷之八

二十七

河堤十里走蜿蜒夾岸垂楊接遠天風攪弱條禽語碎魚
吞浮葢浪花圓幔亭卓午沉涼影苔薦餘曛起綠煙不有
江州司馬在細腰何事舞樽前

衛既齊

縈煙錯翠望中迷濯濯長條壓岸齊出水跳魚吞落絮穿
林語燕墮銜泥隋隄嘉樹臨清壑漢苑濃陰上野溪十里
平苔行不倦荷亭只隔柳塘西

邵嗣堯

清渠紆折溜寒涼荷葉田田綠幾重小構茅堂巢翡翠全
開水鏡照芙蓉薰風故襲紅衣薄戲蝶輕沾露粉濃淺酌
蓮房歌一曲采菱聲裏聽吳儂

以下南
澗荷香

荆光國

溪林深處芰荷涼魚鳥閑閑蜂蝶忙團扇搖風寫宮怨湘

娥臨鏡學花粧不同幽客藏虛谷頓使繁紅洗上陽誰道
涉江難得采邱亭宛在水中央

張璞

古澗新泉迸石磯芙蓉掉約稻秧肥一泓聚藻函青鏡十
里垂楊護紫衣梁賦自憐迴渡采虞絃應對晚涼揮龍陂
苔厚遊人倦卧看沾沾蛺蝶飛

王含光

邱壑風流屬幼輿誰開幽澗種芙蓉浮梁過畛還宜稻暗
溜穿塘不碍魚翠蓋似憐紅頰嫩碧篔簹長恐綠樽虛南薰
一弄千山響正是東峰月上初

衛旣齊

芙蓉城闕乍開扉人在中央水四圍溪映花明紅上下葉
迎波裊翠依違遊魚避影驚無定慧鳥承陰卧不飛欲賦

猗氏縣志

卷之八

二十八

新詞慙謝五披襟坐納晚涼歸

邵嗣堯

補遺

過中條山

國朝宋之樹

邑令山東進士

晉境多崇巘條山路更幽馬行千嶂裏人過萬峯頭北望
平陽澗西連太華秋黃河亦天塹表裏壯神州

重過中條山

宋之樹

元是風塵吏馳驅敢息肩危峯臨澗底曲徑遶山巔馬怯
曾遊地人愁欲暮天崎嶇行未盡明月望中懸

遊仁壽寺

王錫佑

海潮天地外瀟洒入雙林栢古含烟氣鐘長澹客心談禪

成小坐得句且狂吟莫嘆歸途暝春雲解薄陰

以上五
言律

咏猗邑風景

宋之樹

桑泉風景近何如半是耕田半讀書嶺號蛾眉多種麥溪
名涑水不生魚郇侯祠畔春雲滿猗頓宅邊古木踈地屬
唐虞民尚朴城中宛似野人居

仁壽寺

國朝衛 讚

馬首晨鐘巖際飄傍城蕭寺絕塵囂偶參獅座瞻龍象欲
買蒲團結草瓢嶺東盤精舍迴涑川西注練光搖憑欄
直上層樓望浩蕩天風起沅寥

青臺謁神禹廟

國朝郭爲觀

猗氏縣志

卷之八

二十九

青臺高築夏王宮禹蹟蒼茫望未窮千載蒸嘗今肆享萬
方玉帛昔來同諸陵王氣斜陽外故國餘黎歌思中百谷
一從歸海後年年風雨頌神功

以上七
言律

晨起洪果寺訪霖上人遇

郭爲觀

昔慕方外遊欲識禪中趣招提古城隈有人此世度晨興
暑氣微散步邨南路初日穿林薄照曜剎邊樹麥積出墻
頭晻靄明宿露徑幽苔蘚封殿闥栝栢互椒圖鎖葳蕤蒲
牢靜金鑿鳥語時一聞錫飛竟何處一爲初地遊頓覺勞
生誤俗慮亦已空何必見元度還共隴頭雲無心自來去

以上五
言古

論曰文之有關於世道重矣哉都邑風物勝蹟固滄桑
變也紀以文則其地可壽禮樂征伐故典亦杞宋淪也
傳以文則其事有徵即名賢之道德勲業千古流傳人
口耳者固不假文以爲重然其揚扃于篇章勒銘于鍾
鼎者亦莫非文之所爲也孰謂文可以已乎猗前賢樊
遜樂遜名著史冊人與文俱不朽矣嗣是漱潤摛華濡
毫問穎者業纍纍起雖淳漓龐雜有間而言足澤性靈
發物隱者皆可稱作者之林也擇而錄之其亦以地與
事與人重耶